

الفاجومي

ضبطت نفسي أسرق قصيدة

- شقيق بليغ حمدي طار فرحاً بأغنيته لي في غاية التفاهة.
- جبالية قرود في معهد الموسيقى.
- في قصيدتي «الليلع الطريق» ضبطت نفسي متلبس بالسرقة.

obekikan.com

كان فيه شخص وصحخص في مكتب السكرتير العام المساعد في منظمه التضامن، أما الشخص فهو الدكتور مرسى سعد الدين الشقيق الأكبر للملحن المشهور بليغ حمدى اللى اتهرى يا ولداه من كل من هبّ ودبّ.. كل ما يقول لواحد صباح الخير يروح ظارفه نص كيلو ورق مليون أغانى ويقوله: للأستاذ بليغ..

الراجل بأدب شديد ياخذ الورق ويوعده بتوصيله لبليغ عشان يخلص روحه لكن برضه ما يخلصش ليه بقى؟.. ما هو كل واحد مستنى يسمع أغانيه بعد بليغ ما يلحنها وتتذاع فى الإذاعه بصوت أم كلثوم إن أمكن، وإلا فمش أقل من فايزه أحمد.. يعنى ورده لآ، ونجاه جايز بس فى أضيق الحدود، وبناء عليه وهو داخل وهو خارج يفاجأ بشخص ينط فى كرشه:

- هيه.. إيه أخبار النص؟.. بصراحه عبد الوهاب عايزه لكن أنا بأفضل الأستاذ بليغ طبعاً.. ياريت نسمع أخبار قريبه.

وذات صباح دخل على الدكتور مرسى لقانى باكتب أغنيه.. بص فى الورق وقال:

- الله.. دا حلو قوى ده..

أنا قلبى وقع فى رجليا.. ودماغى لفت ولا الأوضه اللى لفت؟.. أنا مش فاكرك.. كل اللى فاكركه إنى تماسكت وقلت له بمتتهى الألاطه:

- دى حاجه خفيفه كده.

قال لى:

- بالعكس.. دى دسمه جداً.. اكتب منها صورته أديها لبليغ.

بصراحه أنا كنت عايز أسوق فى الألاطه وأقول عبد الوهاب عايزها لكن لقيت إن الموضوع حيقى فيه استهبال وممكن الفرصه تطير من إيدى فرحت مادد له الورقه وقابل له:

- خدها.. أنا حافظها.

ورحت مديها بقين فلسفه فقلت له:

- أنا في رأيي إن الشعر اللي ما يتحفظش مايقاش شعرا!

الراجل قال لي:

- فعلاً فعلاً يا أستاذ نجم.. بس إذا سمحت تكتب عليها لبليغ.

رحت ماسك الورقه وكاتب:

عزيزي بلبل.. باكوره إنتاجنا المشترك - كلام الناس - وإلى مزيد من الإبداع المشترك أيها الزميل الجميل، ورحت ماضي نجم «شين عين» يعني شاعر عاميه.

وعلى فكره النص ده كان غايه في التفاهه وأنا باقول الواقعه التفاهه دي لأنها بعدين حتأثر في حياتي بشكل إيجابي.. دي حاجه.. الحاجه الثانيه إن دي كانت آخر تفاهاتي بالنسبه للشعر على الأقل.

نيجي بقى للمصخص اللي هو على نفس درجه الدكتور مرسى سعد الدين.. يعني السكرتير المساعد.. هو كان اسمه كمال لكن لو قلت له يا بهاء يرد عليك!

المذكور برضه زميل يوسف بيه في سلاح الفرسان وسرحوه فعينه يوسف بيه في المجلس والمنظمه.. كان الأستاذ عوف مساعد المخرج المزعوم مسميه (أبو لمعه الأصلي) لأن كل شيء فيه كان يبلمع.. شعره ووشه المتحفف وياقه القميص والبدله والجزمه وزراير القميص الذهب وكان باين عليه مبرشم.. وهو ماشى لا يرد السلام ولا يرمى السلام، ماشى ذاهل عن الوجود ومبتسم على طول وكان يوسف بيه دائماً يهزأه لأنه مش اجتماعي ومايباخدش ويدى مع الناس في الكلام:

- يا أخى إنت زى البريند مع النسوان.. اعتبر كل الموظفين نسوان واتكلم معاهم.. قول صباح الخير قول سلامو عليكم.. قول أى حاجه!


وفي يوم كان واخذ الدش ونازل من مكتب يوسف بيه في المجلس وكانوا الموظفين متجمعين عند الساعه عشان يمضوا انصراف فوجئ السكرتير العام المساعد بحافظ رجب القصاص السكندري بيقوله:

- يا بهاء بيه يا بهاء بيه!

حافظ رجب كان قصير جداً والصخص كان طويل جداً فوقف

وانحنى على حافظ رجب في مشهد ديمقراطي تاريخي وقال له:

- نعم يا حافظ.



فحافظ مد رقبته وبوزه فى وشه وقال له:

- ويو.

- قال له:

- بتقول إيه؟

قال له:

باقول لك ويبيو.

وانفجر الموظفين بالضحك ورجع الصخص على مكتب يوسف بيه عشان يقدم له تقرير غاضب عن نتائج الديمقراطية مع أمثال حافظ رجب!

قبل ما نخش على باقى الدور الثانى لازم نعدى ع الأستاذ محمد المصرى.. هو كان عباره عن ساعى أفرنجى! يعنى إيه ساعى أفرنجى؟ يعنى كان بيودى البوسته المبعوته من المنظمه ويجيب البوسته الوارده من مكتب بريد الملك الصالح. وكانوا مسميئته مندوب المنظمه لدى هيئه البريد، كان رجل مدور زى الكوره وكان دمه زى الشربات، وشه مبتسم دائماً رغم حملة التقييل كان عنده اربعتاشر عيل وجوز نسوان، وكان مثال الاستقامه والانضباط ويمكن ده هو اللى خنق الشاعر جواه، أنا قرئت له قصيده واحده كان ناشرها فى فرخ ورق ومطبقه على أربعه يعنى ٨ صفحات وبعد ما قريتها سألته:

- إنت ليه ما تكتبش؟

قال لى:

- أمال أمك اللى كاتبه ده؟

قلت:

- لا صحيح.

اتنهد بحرقه وقال لى:

- الشعر دا عايز البال الرايق.

قلت له:

- وإنت إيه اللي معكر بالك؟

قال لي:

- ولاد الحرام اللي زيك.. لكن زيك إيه.. إنت مالکش زي.. ابن الحرام بيبقى
مشكوك في أبوته لكن إنت مشكوك في أمومتك.

وكان له بيت شعر بيحاول إنكاره خوفاً على لقمه العيش.. يقول:

كل الزملا بتدعى تمللى

يخرب بيت عبد المتجلى

اللى هو طبعاً السفرجى العجيب بعد ما استفحل وبقى وكيل وزاره.

أما قصيدته العبقرية الوحيدة التي كتبها عن طفولته في قرية بهنباى شرقيه فمع
الأسف الشديد أنا مش فاكر منها كتير:

في بهنباى شرقيه

في دار أهلنا

مدفن أبونا وجدنا

في أعلى حته عندنا

قضينا أيام الصبا

وسط الأراضى الطيبه

اللى حصاها.. مرتبه

للي قعد

واللى حبا

تجبل

تننشى

ما تختشى

من أى كائن لو مشى

فوق ظهرها

الأول قعدت أكابر وأقول دا مجرد توارد خواطر والآخر اقتنعت إنه توارد
قصايد!



الشئون الفنييه بقى اللى محتله الدور التانى جنب مكتب السكرتير العام
وملحقاته.. دى اللى حيرت أفكارى.. فنيه فى إيه؟ يعنى إيه الفن اللى بتفنه؟ مستنقع
نسوان على ثلاث أربع شبان مرخرخين ماتعرفش بيعملوا إيه!.. ودول بقى اللى
بيسافروا المؤتمرات ويأبجوا الدولارات ويحبوا بضايح بورسعيد من قبل بورسعيد ما
تفتح!

والدهش إن كل المؤتمرات سواء اللى هنا أو اللى بيسافروا لها بره كانت
بتتمخض عن ورقتين مكتوبين ع الرونيو يلبس يوسف بيه نضاره القرابه ويكرهم
والتليفزيون يصور وتطلع فى نشره الأخبار وكان الله بالسر عليهم!

المنظمه دى كان فيها الهند والصين والاتحاد اللى كان سوفيتى يا ولداه واليابان
والعراق ولبنان وزنبار ومالاوى وحاجات من هذا النوع، ودول كلهم كان لهم
مندوبين قاعدين فى الدور الثالث معايا أنا والإرزه اللى حاطينهاولى فى المكتب يرغى
ويكتب شعر من ماركة شرايين اليأس ويناقشنى فيه.

وذات يوم طب علينا فى المكتب على الهندى..؟ دا يا سيدى سجان قابلته فى
سجن أرميدان وكان عنده داء منيل اللى هو كتابه الأشعار والأغانى بقصد تلحينها
وغناها فى المدياع.. ودا كان بيحى على دماغى.. أنا أول مره قابلته كان بقى له

أربعتاشر سنه بيقدم إنتاجه للإذاعه و يترفض! وكان كل ما يترفض له نص يقدم بداله
 اتنين فيترفضوا فيقدم أربعة وهكذا إلى أن وصلت الدفعه الأخيره إلى ١٢٨ نص..
 مرفوض ومع هذا كان مليء بالتفاؤل مش عارف ليه! وكان على الهندي لما يكلمك
 يحط بقه في وشك ولو إنت اتراجعت هو يتقدم عشان يحتفظ بنفس المسافه ولو
 انفتح في الكلام ما ينسدش وكان بيتفتف وهو بيتكلم.. شوف الكائنات بنت
 العرص اللي ممكن رينا بيتليك بيها وإنت ماشى في حالك لا بيبك ولا عليك!

أنا لسه بافكر أخلع إزاي من شاعر الشرايين. وإذ بالأستاذ الهندي هالل علينا من
 باب المكتب.. قلت في سرى ياما إنت كريم يا رب، قمت خدته بالحضن ودوغرى
 رحتم لاضمهم في بعض:

- الشاعر الكبير الأستاذ شرايين اليأس.. ودا شاعر الوجه البحري الأستاذ على

الهندي..

اسلموا على بعض بحراره، قلت لهم:
 اطلب لكو اتنين شاي؟

وقلت عليهم الباب من برا بالفتاح ونزلت عملت الاضطباحه الجميله عند
 محمود الباشا ورميتهم من دماغى. الساعه اتنين إلا ربع قمت عشان أمضى انصراف
 وأروح افتكرتهم طلعت تجرى حطيت ودنى ع الباب سمعت ودوده فتحت لقيت
 شاعر الشرايين جابد على الهندي بالكرسى وماسك رجلينه برقبه وحاطط بقه في
 ودنه ويبرغى والثانى نايم ووشه مزنهر وريالته نازله قلت له!

قتلته يا كافر؟

وإذ بعلى الهندي يصحى مقزوع وهو يقول:

- يا ساتر دماغى.. إيه ده.. ياهو.. دماغى بتنمل.. يا ستار يا رب.. فيه إيه؟ أعوذ
 بالله!

قلت له:

- حد يعمل كده في ضيفه برضه؟ إننا ليا نعرفه لولا ما روي سادنا..

قال لي: ..

- ضيف مين يابو خاله؟.. دا واد ما فيش في وشه نقطه دم.. دانت ساينا تسعه ونص.. لغايه اتناشريا مؤمن مش عارف أسمعاه مطلع.. ساعتين ونص مناخدش نفسه.. وجاي إنت تقول لي ضيف.. وبعدين دا لا شاعر ولا دياولو.. دى بلد حظوظ وشهادات..

وهرب على الهندى من جحيم شرايين اليأس وبعدها ماورائيش خلقته الشريفه.

أنا متطير.. بانفائل واتشائم من أيها حاجه.. يعنى فى التفاهه الشديده، ولما سألت سعد الموجى عن معنى التسميه الرسميه لحوش آدم اللى هى خوش قدم قال لي:

- يعنى قدم الخير.

قلت:

- اللهم اجعله خير.

وبدأت البشائر تهل.. القعه عند محمد على بتتوسع كل ليله وتزيد.. أصدقاء سعد الخالص بدأوا يدمنوا السهر وسماع الشيخ إمام والسياحه الروحيه فى صفحات الطبقات الشعرانيه وغيرها من كتب الصوفيه الأمهات وبصوت سعد الجميل.

وجيه القاياتي المحامى ابن الساده القاياتيه.. صديق عمر سعد وزميل دراسته وزميله فى منظمه الشباب الاشتراكي رغم انحداره من أصول برجوازيه فى ريف محافظه المنيا.. ابتسامه صافيه كأنها جزء من ملامحه وعقل متفتح وقلب دافى مشحون ومشجون بحب مصر العزيزه.. مش بس مصر الأثر الخالد.. لكن مصر المستقبل أيضاً.. «مستقبل بنته الجميله الوحيده حنان».. وأوزوريس القاهري ابن حى شبرا النابغ اللى درس تاريخ مصر المخروسه واتخرج بتفوق واتعين مفتش آثار فى حوش آدم أولاً وبعدين يروح شبرا وكان ييمتعا بكلامه الجميل عن الأسلاف العظام.. كان بيتكلم عن كل واحد منهم وكأنه من بقيه عيلته وكان بعد كل وجبه ثقافيه يقدمها لنا يضحك ويقول:

- المهم. الناس دول أدهشوا وحيروا كل اللي اتعرف عليهم ماعدا إحنا!

وفؤاد السبكي انفلاح الشرقاوى اللي هبط قاهرة المعز عشان يدرس ويتفوق فى حياته الدراسيه والعملية ويسافر الهند وباكستان وبنجلاديش ملحق تجارى ناجح وجنب دا كله يكتب الشعر بموهبه رصينه ويرجع لنا من جولته الآسيويه بدنيا من الأساطير من موطن طاغور وإقبال ويسحرنا بحواديته الجميله عن ناس قابلهم هناك بيعشقوا مصر المحروسه وشعبها الطيب الجميل وحلمهم بزيارتها فى يوم من ذات الأيام.

وفريد القاياتى ابن عم وجيه المهندس الزراعى والروايه المبدع للشعر العربى والمتنبى على وجه الخصوص وبيرم اللي كان فريد مسميه عاشق مصر العظيم.. الأستاذ نظمي زميل سعد الموجي فى الدراسه والعمل فى مصلحة السياحه والراجل دا بالذات كان عنده طموحات مهوله فى تطوير العمل السياحى فى مصر وكان دائماً يعمل مقارنة بين الإمكانيات المتواضعة للبلاد اللي نجحت سياحياً وإمكاناتنا المهوله المعطله بفعل اللصوص وتناوله السلطان المهيمنين على العمل السياحى فى مصر المحروسه.

الحقيقه أنا مش قادر أقدم شخصيات تانى لأن الحكايه حيطول شرحها اللي عايز أقوله إن دا الجو اللي اتولدت فيه فكره التعاون بينى وبين الشيخ إمام.

أزاي؟ إحنا لما كنا بنسهر معاه ماكناش بالنسبه له مجرد سميعة، هو كان دائماً يقول لنا:

- أنتو عزوتي وناسي وأنا من غيركو جيص فى قفص عشان كده لما كان بيغني كان بيحجب آخر ما عنده.. أنا لاحظت حاجه إنه فى كل إعاده بيدي إضافات من عنده لا تقل أصاله ولا حلاوه عن اللحن الأصلي وذات مره سألته.

- إنت ليه ما بتلحنش؟

قال لى:

- مش لاقى كلام وقور.

ضحك محمد على وقال له:

- وقور إزاي يعنى؟ لابس عمه!

قال له:

- لا يا سيد محمد.. كلام وقور يعنى مافيهوش تنطع.

قال له:

- إنت جيت تكحلها عميتها.. إذا كنت مش فاهم وقورح افهم تنطع؟

قلت له:

- أنا أديك كلام.

قال لى:

- دا شىء يشرفنى يا أستاذنا.

أنا صراحه عجبتنى حكاية يا أستاذنا دى رحمت مطلع قلم وورقه وكاتب له النص
التافه اللى سبق ادبته لمرسى سعد الدين يوصله لأخوه بلبل وقريتههوله وادبته الورقه
حطها فى جيبه وقال لى:

- إن شاء الله يكون.

وفات يوم والثانى والثالث وأنا على أحر من الجمر وفى الوقت نفسه مكسوف
أكلمه إلى أن كان يوم اصطحبنا سعد الموجى على بيت الشيخ عبد السلام الموجى
والد سعد رحمه الله عليه.

لهفنا العشوه الجميله وبدأنا السهره وفوجئت بسعد بيقول بأدبه وتواضعه الشديد
وابتسامته الجميله:

- كلنا شوق ولهفه لاستقبال أول مولود فنى من مولانا والأستاذ نجم.. فرد إمام:

- يكون بإذن الله.

وضحك سعد وقال:

قلت له:

- العفو يا مولانا إذا كان النص مش عاجبك أكتب لك غيره.

راح سعد الموجي مديني ورقه وقلم وقال لي:

- قول مدد يا سيدي عمر وتوكل على الله.

قلت له:

- طب أعرف سيدي عمر مين الأول.

قال لي:

- سيدك عمر بن الفارض سلطان العاشقين.

قلت:

- مديين.

وبدأت أكتب:

أنا أتوب عن حبك.. أنا؟

أنا لي ف بعدك غنا!

دنا باترجاك

الله يجازيك

يا شاغلني عليك

وإن غبت سنه

أنا برضه أنا

لا أقدر أنساك ولا لي غنا

ولا أتوب عن حبك أنا

وفي خلال نص ساعه كان النص انكتب وفي خلال نص ساعه تانى كان اتلحن
وفضلنا نغنيه طول الليل وكان دا أول عمل بينى وبين الشيخ إمام..



ما بين دا قال

ودا بيقول محيرنى ف هواك

على طول

تغيب عنى يا دوب ساعتين

تجبنى بكلمه قالها عدول

ويتمد الخصام ليلتين

فى قلنا وقال

وشرح يطول

محيرنى.. ومنتحير

وكل دقيقه تتغير

عشان دا قال

ودا بيقول

تصوروا إن الكلام التافه ده كان السبب في شقلبة حياتي!! ما هم هما دول يا
سيدي البقين الزفرين اللي شافني الدكتور مرسى وأنا باكتبهم فعجبوه! فخدمهم لبليغ
يلحنهم!

بس أنا بقى من ساعتها بدأت أتعامل مع نفسي باعتباري شخص ذو أهميه فبدأت
أغير مشيتي وطريقة كلامي وأسرح شعري بالصابون، ولو كانت الإيد طايله كنت
غيرت ملابسى بالكامل.. بس معلى مسير القرش بجري في إيدي وأكل ما يعجبني
وألبس ما يعجب الناس.

كمان بدأت رجليا تعرف سكة معهد الموسيقى العربية.. كل عصره أنط لهم زي
قرد قطع، وأخش البوفيه عدل، وما أدراك ما البوفيه؟ حاجه كده تفكرك بجبلاية
الفرود.. شلة مقاطيع واقفين على أول سلمه من سلالم المجد وكله في الضربان
الشديد اللي مطول سوافه تشبهاً بعبد الوهاب القديم، واللي لابس شورت وقميص
وبالطو في عز الصيف! واللي قاعد يكلم نفسه واللي قاعد مايكلمش نفسه واللي
لابس شنبر نضاره من غير قزاز واللي واقف يلعب حواجه في المرايا واللي لامم
حواليه شله بيسمعهم كلام مش مفهوم! هو يقول وهما يممصوا شفايفهم ويقولوا:
- يا عيني كمان.

والأغرب من دا ودا شخص تخين وقصير وماسك عود قاعد ينجد عليه بز عم إنه
يبلحن أغنيه اسمها «غرام فى البستان»، وبقي له سنتين يبلحن فى المطلع اللي بيقول:

يا شاغلنى ومشغول عنى بجوافايه

طب رد علىّ وخذ لك منجايه

يا بلحتى فى أيامى الرايحه

يا فضيحتى فى أيامى الجايه

خذ لك منجايه بجوافايه

منجايه النايه كوا النايه!!

الراجل ده أنا حاولت اعرف اسمه ما أمكنش.. كان بعضهم بيناديه بـ«أبو الزيك
الرايق».. وكنت كل ما أقرب منه يبعد عنى.. مش عارف ليه؟.. يبدو إنه كان
بيتشائم منى.. المهم إنه كان عنده ثقه أكيدة إن أم كلثوم حتغنى اللحن ده فى يوم من
ذات الأيام.

